



OFFICIUM

IN NOCTE

EPIPHANIAE DOMINI.

AD MATUTINUM.

Pater noster. Ave María, &
Credo: *omissis* ψ. Dómine labia,
Invitatorio, cum Psalmo. Veníte
& Hymno, incipitur ab Antiph.
Afférte Dómino.

IN I. NOCTURNO.

Aña. Afférte Dómino filii Dei,
adoráte Dóminum in aula sancta
ejus.

A

Psal-

Psalmus 28.

Afférite Dómino filii Dei: * afférite Dómino filios aríetum.

Afférite Dómino glóriam & honórem, afférite Dómino glóriam nomini ejus: * adoráte Dóminum in átrio sancto ejus.

Vox Dómini super aquas, Deus majestátis intónuit: * Dóminus super aquas multas.

Vox Dómini in virtúte: * vox Dómini in magnificéntia.

Vox Dómini confringéntis cedros: * & confrínget Dóminus cedros Líbani:

Et commínuet eas tamquam vítulum Líbani: * & diléctus quem ádmodum filius unicórnium.

Vox Dómini intercidéntis flam-
mam ignis: * vox Dñi. concutién-
tis desértum: & commovébit Dó-
minus desértum Cades.

Vox Dómini præparántis cer-
vos, & revelábit condénsa: * &
in templo ejus omnes dicent gló-
riam.

Dóminus dilúvium inhabitáre
facit: * & sedébit Dóminus Rex
in ætérnum.

Dóminus virtútem pópulo suo
dabit: * Dóminus benedícet pó-
pulo suo in pace.

Antiph. Afférte Dómino filii Dei,
adoráte Dóminum in aula sancta
ejus.

Aña. Flúminis ímpetus lætíficat,

allelúja : civitátem Dei , allelúja.

Psalmus 45.

DEus noster refúgium , & virtus ; * adjutor in tribulationibus , quæ invenérunt nos nímis.

Proptéreà non timébimus dum turbábitur terra : * & transferéntur montes in cor maris.

Sonuérunt & turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificábit tabernáculum suum Altíssimus.

Deus in médio ejus , non com-movébitur : * adjuvábít eam
Deus manè dilúculo.

Conturbátæ sunt gentes , & in-
cli-

clináta sunt regna: * dedit vocem suam, mota est terra.

Dóminus virtútum nobiscum: * suscéptor noster Deus Jacob.

Veníte & vidéte ópera Dómini: quæ pósuit prodígia super terram: * áuferens bella usque ad finem terræ.

Arcum cónteret, & confrínget arma: * & scuta combúret igni.

Vacáte, & vidéte quóniam ego sum Deus: * exaltábor in Géntibus, & exaltábor in terra.

Dóminus virtútum nobíscum: * suscéptor noster Deus Jacob.

Antiphona. Flúminis ímpetus lætíficat, allelúja: civitátem Dei, allelúja.

Antiph. Psállite Deo nostro,
psállite : psállite Regi nostro,
psállite sapiénter.

Psalmus 46.

OMnes Gentes pláudite máni-
bus : * jubiláte Deo in voce exul-
tatiónis.

Quóniam Dóminus excélsus, ter-
rívelis : * Rex magnus super om-
nem terram.

Subjécit pópulos nobis , * &
Gentes sub pédibus nostris.

Elégit nobis hereditátem suam,
* spéciem Jacob , quam diléxit.

Ascendit Deus in júbilo , * &
Dóminus in voce tubæ.

Psállite Deo nostro , psállite : *
psállite Regi nostro, psállite.

Quó-

Quóniam Rex omnis terræ
Deus : * psállite sapiénter.

Regnávít Deus super Gentes : *
Deus sedet super sedem sanctam
suam.

Príncipes populórum congregá-
ti sunt cum Deo Abraham : * quó-
niam dii fortes terræ, veheménter
elevati sunt.

Aña. Psállite Deo nostro, psállite
te : psállite Regi nostro, psállite
sapiénter. *ŷ.* Omnis terra adóret
te, & psallat tibi. *Ꝟ.* Psalmum
dicat nómini tuo Domine. Pater
noster. *Absolutio.* Exáudi Dómine
ŷ. Jube domne. *Benedictio.* Be-
nedictione perpetua.

*De Isaia Propheta.**Lectio i. Isaia 55.*

OMnes sitiéntes veníte ad a-
 quas: & qui non habétis argén-
 tum, properáte, émite, & comé-
 dite: veníte, émite absque ar-
 génto, & absque ulla commuta-
 tióne vinum & lac. Quare appén-
 ditis argéntum non in pánibus, &
 labórem vestrum non in saturi-
 táte? Audite audiéntes me, &
 comédite bonum, & delectábitur
 in crassitúdine ánima vestra. In-
 clináte aurem vestram, & vení-
 te ad me: audíte, & vivet ánima
 vestra, & feriam vobíscum pac-
 tum sempiternum, misericórdias
 David fidéles. Ecce testem pó-

puli dedi eum, ducem ac præceptorem Géntibus. &. Hódie in Jordáne baptizáto Dómino apérti sunt cœli, & sicut colúmba super eum Spíritus mansit, & vox Patris intónuit:

* Hic est Fílius meus diléctus, in quo mihi benè complácu.

ŷ. Descéndit Spíritus sanctus corporáli spécie sicut colúmba in ipsum, & vox de cœlo facta est. Hic est Fílius.

Benedictio. Unigénitus Dei Fílius.

Lectio ii. Isaiaë 60.

SURge, illumináre Jerúsalem, quia venit lumen tuum, & glória Dómini super te orta est. Quia ecce ténebræ opérient terram, &

caligo pópulos: super te autem
oriétur Dóminus, & glória ejus
in te vidébitur. Et ambulábunt
Gentes in lúmine tuo, & reges in
splendóre ortus tui. Leva in cir-
cúitu óculos tuos, & vide: om-
nes isti congregáti sunt, venérunt
tibi: Fílii tui de longè vénient,
& filiaæ tuæ de látere surgent.
Tunc vidébis, & afflues, mirábi-
tur, & dilatábitur cor tuum,
quando convérsa fúerit ad te
multitúdo maris, fortitúdo gén-
tium vénerit tibi. Inundátio ca-
melórum opériet te, dromedárii
Máidian & Epha: omnes de Saba
vénient, aurum & thus deferén-
tes, & laudem Dño. annuntiántes.

R. In colúmbæ spécie Spíritus sanctus visus est, patérna vox audíta est : * Hic est Fílius meus dilectus, in quo mihi benè complá-cui. V. Cœli apérti sunt super eum, & vox Patris intónuit. Hic est.

Benedictio. Spíritus sancti grátia.

Lectio iii. Isaiaë 61. d & 62.

GAudens gaudébo in Dómino, & exultábit ánima mea in Deo meo : quia induit me vestiméntis salútis, & induménto justítiæ circúmdedit me, quasi sponsum decorátum coróna, & quasi sponsam ornátam monílibus suis. Sicut enim terra profert germen suum, & sicut hortus semen suum gér-
mi-

minat, sic Dóminus Deus germi-
nabit justítiam, & laudem coram
univérsis Géntibus. Propter Sion
non tacébo, & propter Jerúsa-
lem non quiescam, donec egre-
diátur ut splendor justus ejus, &
salvátor ejus ut lampas accendá-
tur.

R. Reges Tharsis & ínsulæ múne-
ra ófferent: * Reges Arabum &
Saba dona Dño. Deo addúcent.

ŷ. Omnes de Saba vénient, au-
rum & thus deferéntes. Reges
Arabum. Glória. Reges.

IN II. NOCTURNO.

Añã. Omnis terra adóret te, &
psallat tibi: psalmum dicat nómi-
ni tuo Dómine.

Psal-

Psalmus 65.

Jubiláte Deo omnis terra, psalmum dícite nómini ejus: * date gloriam laudi ejus.

Dícite Deo, quàm terribília sunt ópera tua Dómine: * in multitudine virtútis tuæ mentiéntur tibi inimíci tui.

Omnis terra adóret te, & psallat tibi: * psalmum dicat nomini tuo.

Veníte, & vidéte ópera Dei: * terríbilis in consíliis super filios hóminum.

Qui convértit mare in áridam, in flúmine pertransíbunt pede: * ibi lætábimur in ipso.

Qui domináatur in virtúte sua in
æter-

ætérnum, óculi ejus super Gen-
tes respíciunt: * qui exásperant,
non exalténtur in semetípsis.

Benedícite Gentes Deum nos-
trum: * & auditam fácite vocem
laudis ejus.

Qui pósuit ánimam meam ad vi-
tam: * & non dedit in commo-
tiónem pedes meos.

Quóniam probásti nos Deus: *
igne nos examinásti, sicut exami-
nátur argéntum.

Induxísti nos in láqueum, posuís-
ti tribulatiónes in dórso nostro: *
imposuísti hómines super cápita
nostra

Transívimus per ignem & aquam:
* & eduxísti nos in refrigeríum.

Introibo in domum tuam in holocaustis: * reddam tibi vota mea, quæ distinxerunt labia mea.

Et locutum est os meum, * in tribulatione mea.

Holocausta medullata offeram tibi cum incenso arietum: * offeram tibi boves cum hircis.

* Venite, audite, & narrabo, omnes qui timetis Deum, * quanta fecit animæ meæ.

Ad ipsum ore meo clamavi, * & exaltavi sub lingua mea.

Iniquitatem si aspexi in corde meo, * non exaudiet Dominus.

Propterea exaudivit Deus, * & attendit voci deprecationis meæ.

Benedictus Deus, * qui non amov-

vit

vit orationem meam, & misericordiam suam à me.

Antiphona. Omnis terra adoret te, & psallat tibi: psalmum dicat nomini tuo Domine.

Antiph. Reges Tharsis, & insulæ mûnera offerent Regi Domino.

Psalmus 71.

DEus iudicium tuum regi da: *
& iustitiam tuam filio regis.

Judicare populum tuum in iustitia, * & pauperes tuos in iudicio.

Suscipiant montes pacem populo: * & colles iustitiam.

Judicabit pauperes populi, & salvos faciet filios pauperum: * & humiliabit calumniatorem.

Et permanebit cum Sole, & an-

te

te Lunam, * in generatióne, & generatióne.

Descéndet sicut plúvia in vellus: * & sicut stillicidia stillántia super terram.

Oriétur in diébus ejus justítia, & abundántia pacis: * donec auferátur luna.

Et dominábitur à mari usque ad mare; * & à flúmine usque ad términos orbis terrárum.

Coràm illo prócident Æthíopes: * & inimíci ejus terram lingent.

Reges Tharsis, & ínsulæ múnera ófferent: * reges Arabum, & Saba dona addúcent.

Et adorábunt eum omnes reges

terræ: * omnes Gentes sérvient ei.

Quia liberábit páuperem à poténte: * & páuperem, cui non erat adjútor.

Parcet páuperi & ínopi: * & ánimas páuperum salvas fáciét.

Ex usúris & iniquitáte rédimet ánimas eórum: * & honorábile nomen eórum coram illo.

Et vivet, & dábitur ei de áuro Arábiæ, & adorábunt de ipso semper: * tota die benedícet ei.

Et erit firmaméntum in terra in summis móntium, superextollétur super Líbanum fructus ejus: * & florébunt de civitáte sicut fœnum terræ.

Sit nomen ejus benedíctum in

sæcula: * ante Solem p ermanet
nomen ejus.

Et benedic entur in ipso omnes
tribus terr e: * omnes Gentes
magnific abunt eum.

Benedictus D ominus Deus Is-
ra el, * qui facit mirabilia solus:

Et benedictum nomen majest a-
tis ejus in  et ernum: * & repl ebi-
tur majest ate ejus omnis terra:
fiat, fiat.

A na. Reges Tharsis, & insul e
m unera  fferent Regi D omino.

A na. Omnes Gentes quasc um-
que; fecisti v enient, & ador abunt
cor am te D omine.

Psalmus 85.

INclina D omine  urem tuam,
&

& exáudi me : * quóniam inops,
& páuper sum ego.

Custódi animam meam, quoniam
sanctus sum : salvum fac servum
tuum, Deus meus, sperántem
in te.

Miserére mei Dñe. quoniam ad
te clamávi tota die : * lætífica áni-
mam servi tui, quóniam ad te
Dómine ánimam meam levávi.

Quóniam tu Dómine suávis, &
mitis : * & multæ misericórdiæ óm-
nibus invocántibus te.

Auribus pércipe Dómine ora-
tiónem meam : * & inténde voci
deprecationis meæ.

In die tribulationis meæ clamá-
vi ad te : * quia exaudísti me.

Non est similis tui in diis Dñe.*
& non est secundum opera tua.

Omnes Gentes quascumque fecisti, venient, & adorabunt coram te Domine:* & glorificabunt nomen tuum.

Quoniam magnus es tu, & faciens mirabilia:* tu es Deus solus.

Deduc me Dñe. in via tua, & ingrediar in veritate tua:* lætetur cor meum ut timeat nomen tuum.

Confitebor tibi Dñe. Deus meus in toto corde meo,* & glorificabo nomen tuum in æternum.

Quia misericordia tua magna est super me,* & eruisti animam meam ex inferno inferiori.

Deus iniqui insurrexerunt super me,

me, & synagoga potentium quæsiérunt animam meam : * & non proposuérunt te in conspéctu suo.

Et tu Dómine Deus miserátor & miséricors, * pátiens, & multæ misericórdiæ, & verax.

Réspice in me, & miserére mei, * da impérium tuum púero tuo : & salvum fac filium ancíllæ tuæ.

Fac mecum signum in bonum, ut vídeant qui odérunt me, & confundántur : * quóniam tu Dómine adjuvísti me, & consolátus es me.

Añã. Omnes Gentes quascúmque fecísti, vénient, & adorábunt coràm te Dómine. *ŷ.* Reges Tharsis,

&

& insulæ munera offerent. R. Reges Arabum & Saba dona adducunt. Pater noster. *Absolutio.* Ipsius pietas. V. Jube domne. *Benedictio.* Deus Pater omnipotens.

Sermo sancti Leonis Papæ.

Serm. 2. de Epiph. Lect. iv.

GAudete in Domino, dilectissimi, iterum dico gaudete: quoniam brevi intervallo temporis, post solemnitatem Nativitatis Christi, festivitas declarationis ejus illuxit: & quem in illo die Virgo peperit, in hoc mundus agnovit. Verbum enim caro factum, sic susceptionis nostræ temperavit exordia, ut natus Jesus & credentibus manifestus, &

per-

persequéntibus esset occúltus. Jam tunc ergo cœli enarravérunt glóriam Dei, & in omnem terram sonus veritátis exívit, quando & pastóribus exércitus Angelórum Salvatóris édití annunciátor ap- páruit, & Magos ad eum adorán- dum prævia stella perdúxit: ut à solis ortu usque ad occásum ve- ri Regis generátio coruscáret, cùm rerum fidem, & regna Orién- tis per Magos díscerent, & Ro- manum impérium non latéret.

R. Illumináre, illumináre Jerú- salem, quia venit lux tua: * Et glória Dómini super te orta est.

Ÿ. Et ambulábunt Gentes in lú-

mi-

mine tuo, & reges in splendore
ortus tui. Et gloria.

Benedictio. Christus perpétuæ.

Lectio v.

NAM & sævítia Heródis volens
primórdia suspécti sibi Regis ex-
tínguere, huic dispensatióni nés-
ciens serviébat: ut dum atróci
inténtus facínori, ignótum sibi
púerum indiskrétá infántium cæ-
de perséquitur, annunciátum
cælitus dominatóris ortum insíg-
nior ubíque fama loquerétur:
quam promptiorem ad narrán-
dum, diligentiorémque faciebat
& supérnæ significatiónis nóvi-
tas, & cruentíssimi persecutóris
impietas. Tunc autem étiam

D

Ægyp-

Ægypto Salvátor illátus est, ut gens antiquis erroribus dedita, jam ad vicinam salutem per occultam gratiam signaretur : & quæ nondum eiecerat ab animo superstitionem, jam hospítio reciperet veritatem.

R. Omnes de Saba venient, aurum & thus deferentes, & laudem Domino annunciantes, * Allelúja, allelúja, allelúja. V. Reges Tharsis, & insulæ múnera offerent, reges Arabum, & Saba dona addúcent. Allelúja.

Benedictio. Ignem sui amoris.

Lectio vi.

AGnoscámus ergo, dilectíssimí, in Magis adoratóribus Christi,

ti, vocatiónis nostræ fideique primítias : & exultántibus ánimis beátæ spei inítia celebrémus: Exínde enim in ætérnam hereditátem coepimus introíre : exínde nobis Christum loquéntia Scripturárum arcána patuérunt, & véritas, quam Judæórum obcæcátio non recépit, ómnibus natió-nibus lumen suum invéxit. Hono-rétur ítaque à nobis sacratíssi-mus dies, in quo salutis nostræ auctor appáruit : & quem Magi infántem veneráti sunt in cuná-bulis, nos omnípotentem adoré-mus in cœlis. Ac sicut illi de the-sáuris suis mysticas Dómino mú-nerum spécies obtulérunt, ita &

nos de córdibus nostris, quæ Deo sunt digna, promámus.

R. Magi véniunt ab Oriente Jerosolymam, quæréntes, & dicéntes: Ubi est qui natus est, cujus estellam vídimus? * Et vénimus adoráre Dóminum. ψ. Vídimus stellam ejus in Oriénte. Et vénimus. Glória Patri. Et vénimus.

IN III. NOCTURNO.

Aña. Veníte adorémus eum: quia ipse est Dóminus Deus noster.

Hæc Aña. repetitur in Psalmo, ordine infrascripto.

Psalmus 94.

VENíte exultémus Dómino: *
jubilémus Deo salutári nostro:

Præocupémus fáciem ejus in

con-

confessione : * & in psalmis jubilemus ei.

Antiphona. Veníte adorémus eum: quia ipse est Dóminus Deus noster.

Quóniam Deus magnus Dóminus : * & Rex magnus super omnes deos.

Quia in manu ejus sunt omnes fines terræ : * & altitudines montium ipsius sunt.

Antiphona. Veníte adorémus eum: quia ipse est Dóminus Deus noster.

Quóniam ipsius est mare , & ipse fecit illud : * & siccam manus ejus formaverunt.

Antiph. Veníte adorémus eum:
quia

quia ipse est Dóminus Deus nos-
ter.

Et nos pópulus pascuæ ejus, &
oves manus ejus: * Hódie si vo-
cem ejus audiéritis, nolíte obdu-
râre corda vestra.

Sicut in irritatióne secúndum
diem tentatiónis in desérto, * ubi
tentavérunt me patres vestri,
probavérunt me & vidérunt ópe-
ra mea.

Añã. Veníte adorémus eum: quia
ipse est Dóminus Deus noster.

Quadragínta annis offénsus fui
generatióni illi, * & dixi: Sem-
per hi errant corde.

Et isti non cognovérunt vias
meas: ut jurávi in ira mea: * Si

in-

introibunt in requiem meam.

Antiphona. Venite adoremus eum: quia ipse est Dominus Deus noster. *Glória.* Sicut erat.

Aña. Venite adoremus eum: quia ipse est Dominus Deus noster.

Aña. Homo natus est in ea, & ipse fundavit eam Altissimus.

Psalmus 86.

Fundamenta ejus in montibus sanctis: * diligit Dominus portas Sion super omnia tabernacula Jacob.

Glóriosa dicta sunt de te, * civitas Dei.

Memor ero Rahab, & Baby-lónis, * scientium me.

Ecce alienigenæ, & Tyrus, &

pó-

pópulus Æthíopum, * hi fuerunt
illic.

Numquid Sion dicet: Homo,
& homo natus est in ea: * & ip-
se fundávit eam Altíssimus.

Dóminus narrábit in scriptúris
populórum, & príncipum: * ho-
rum, qui fuérunt in ea.

Sicut lætántium ómnium, * ha-
bitátio est in te.

Añã. Homo natus est in ea, & ip-
se fundávit eam Altíssimus.

Añã. Adoráte Dóminum, allelúja:
in áula sancta ejus, allelúja.

Psalmus 95.

CAntáte Domino cánticum nó-
vum; * cantáte Dómino omnis
terra.

Can-

Cantáte Dño. & benedícite no-
mini ejus: * annunciáte de die in
diem salutáre ejus.

Annunciáte inter Géntes gló-
riam ejus, * in ómnibus pópulis
mirabília ejus:

Quóniam magnus Dóminus, &
laudábilis nimis: * terríbilis est
super omnes deos.

Quóniam omnes dii Géntium
dæmónia: * Dóminus autem cœ-
los fecit.

Conféssio, & pulchritúdo in
conspéctu ejus: * sanctimónia, &
magnificéntia in sanctificatióne
ejus.

Afférte Dómino pátriæ géntium,
afférte Dómino glóriam & honó-

E

rem:

rem : * afférte Dómino glóriam
nómini ejus.

Tóllite hóstias , & introíte in
átria ejus , * adoráte Dóminum in
átrio sancto ejus.

Commoveátur à fácie ejus uni-
vérsa terra : * dícite in Géntibus
quia Dóminus regnávít.

Etenim corréxit orbem terræ,
qui non commovébitur : * judicá-
bit pópulos in æquitáte.

Læténtur cœli, & exúltet terra,
commoveátur mare, & plenitudo
ejus : * gaudébunt campi , & óm-
nia quæ in eis sunt.

Tunc exultábunt ómnia ligna sil-
várurum à fácie Dñi. quia venit : *
quóniam venit judicáre terram.

Judicabit orbem terræ in æquitate, * & pópulos in veritate sua.

Añã. Adorate Dóminum, allelúja, in áula sancta ejus, allelúja.

Añã. Adorate Deum, allelúja: omnes Angeli ejus, allelúja.

Psalmus 96.

Dominus regnavit, exúltet terra: * læténtur ínsulæ multæ.

Nubes, & caligo in circúitu ejus: * justítia, & judícium correctio sedis ejus.

Ignis ante ipsum præcédet, * & inflammábit in circúitu inimicos ejus.

Illuxérunt fúlgura ejus orbi terræ: * vidit, & commóta est terra.

Montes, sicut cera fluxérunt à

facie Dómini ; * à facie Dómini
omnis terra.

Annunciavérunt cœli justítiam
ejus : * & vidérunt omnes pópuli
glóriam ejus.

Confundántur omnes , qui adó-
ránt sculptília : * & qui glorián-
tur in simulácris suis.

Adoráte eum omnes Angeli
ejus : * audívit , & lætáta est Sion.

Et exultavérunt filiaë Judæ , *
propter judícia tua Dómine.

Quóniam tu Dóminus altíssimus
super omnem terram : * nimis
exaltátus es super omnes deos.

Qui dilígitis Dóminum , odíte
malum : * custódit Dóminus
ánimas sanctórum suórum , de

manu peccatoris liberabit eos.

Lux orta est justo, * & rectis
corde lætitia.

Lætámini justí in Dómino: * &
confitémini memóriæ sanctificá-
tiónis ejus.

Antiphona. Adoráte Deum, alle-
lúja: omnes Angeli ejus, alle-
lúja. *ŷ.* Adoráte Dóminum, al-
lelúja. *℞.* In áula sancta ejus, al-
lelúja. *Pater noster. Absolutio.*

A vínculis. *ŷ.* Jube domne. *Be-
nedictio. Evangélica léctio.*

Lectio sancti Evangélii secún-
dum Matthæum.

Lectio vii. cap. 2.

CUm natus esset Jesus in Beth-
lehem Juda in diébus Heródis re-
gis,

gis, ecce Magi ab Oriente venérunt Jerosólymam, dicétes: Ubi est qui natus est Rex Judæórum? Et réliqua.

Homilía sancti Gregórii Papæ.

Homilia 10. in Evangelia.

Sicut in lectione Evangélica, fratres caríssimi, audístis, cœli Rege nato, rex terræ turbatus est: quia nimirum terréna altitúdo confúnditur, cùm celsitúdo cæléstis aperítur. Sed quæréndum nobis est, quidnam sit, quòd Redemptóre nato, pastóribus in Judæa Angelus appáruit, atque ad adorándum hunc ab Oriente Magos non Angelus, sed stella perdúxit? Quia vidélicet Judæis,
tam-

tamquam ratione utentibus, rationale, animal, idest Angelus prædicare debuit: Gentiles verò, quia uti ratione nesciebant, ad cognoscendum Dominum non per vocem, sed per signa perducuntur. Unde etiam per Paulum dicitur: Prophetiæ fidelibus datae sunt, non infidelibus: signa autem infidelibus, non fidelibus. Quia & illis prophetiæ tamquam fidelibus, non infidelibus: & istis signa tamquam infidelibus, non fidelibus data sunt. R. Stella, quam viderant Magi in Oriente, antecedebat eos, donec venirent ad locum, ubi puer erat: * Videntes autem eam, gravisi sunt gaudio

dio magno. *ψ.* Et intrantes domum, invenerunt puerum cum Maria matre ejus, & procidentes adoraverunt eum. Videntes. *Benedictio.* Divinum auxilium.

Lectio viii.

ET notandum, quod redemptorem nostrum, cum jam perfectæ esset etatis, eisdem Gentilibus Apostoli prædicant, eumque parvulum, & necdum per humani corporis officium loquentem, stella Gentibus denunciat: quia nimium rationis ordo poscebat, ut & loquentem jam Dominum loquentes nobis prædicatores innotescerent, & necdum loquentem elementa muta prædicarent.

Sed

Sed in ómnibus signis, quæ vel nascénte Dómino, vel moriénte eo monstráta sunt, considerándum nobis est, quanta fúerit in quorúmdam Judæórum corde durítia, qui hunc nec per prophetiæ donum, nec per mirácula agnovérunt. *R.* Vidéntes stellam Magi, gavísi sunt gáudio magno: *Et intrántes domum invenérunt púerum cum María matres ejus, & procidéntes adoravérunt eum: *Et apértis thesáuris suis obtulé- runt ei múnera, áurum, thus, & myrrham. *ŷ.* Stella quam víde- rant Magi in Oriénte, antecede- bat eos, usque dum véniens sta- ret supra ubi erat puer. Et intrán-

tes. Glória Patri. Et apertis. *Benedictio.* Ad societátem.

Lectio ix.

OMnia quippè elementa auctórem suum venísse testáta sunt. Ut enim de eis quiddam usu humano loquar : Deum hunc cœli esse cognovérunt, quia prótinus stellam miserunt. Mare cognóvit, quia sub plantis ejus se calcábile præbuit. Terra cognóvit, quia eo moriente contremuit. Sol cognóvit, quia lucis suæ rádios abscondit. Saxa & parietes cognoverunt, quia tempore mortis ejus scissa sunt. Infernus agnóvit, quia hos, quos tenebat mórtuos, reddidit. Et tamen hunc, quem Do-

mi-

minum, ómnia insensibília elementa senserunt, adhuc infidelium Judæórum corda Deum esse mínimè cognoscunt, & duriora saxis, scindi ad poenitendum nolunt. *Te Deum. Et in Noct. Nativit. Dñi. sup. 60.*

AD LAUDES.

DEus in adjutorium, &c. *Aña.*

Ante lucíferum genitus, & ante sæcula Dominus Salvátor noster hodie mundo appáruit.

Psalmus. Dóminus regnávít. cum reliquis de Laud. de Nativit. Dñi.

sup. 65. Aña. Venit lumen tuum Jerúsalem, & gloria Dñi. super te orta est, & ambulábunt Gen-

tes

tes in lumine tuo, Allelúja. *Añã.*
 Apertis thesáuris suis obtulerunt
 Magi Dño. áurum , thus , &
 myrrham, Allel. *Añã.* Mária , &
 flúmina benedícite Dño. hym-
 num dícite fontes Dño. Allelúja.
Añã. Stella ista sicut flamma co-
 rúscat , & Regem regum Deum
 demónstrat : Magi eam viderunt
 & magno Regi múnera obtule-
 runt.

Capitulum. Isaie 60.

SURGE , illumináre Jerúsalem,
 quia venit lumen tuum, & gloria
 Domini super te orta est.

Hymnus.

O Sola magnárum Urbium.
 Major Bethlem, cui contigit

Du-

Ducem salutis cælitus
Incorporatum gignere.

Quem Stella, quæ Solis rotam
Vincit decore, ac lumine;
Venisse terris nūnciat
Cum carne terrestri Deum.

Videre postquam illum Magi:
Eoâ promunt mûnera;
Stratîque votis offerunt,
Thus, mirram, & áurum regium.

Regem, Deumque annúnciant
Thesaurus, & fragrans odor
Thuris Sabæi, ac myrrheus
Pluvis Sepúlchrum prædocet.

Jesu, tibi sit gloria,
Qui apparuisti Gentibus,
Cum Patre, & almo Spírítu
In sempiterna sæcula. Amen.

ŷ. Adoráte Deum, allelúja.

R. Omnis Angeli ejus, allelúja.

Ad Benedictus, Antiphona. Hodie cælesti sponso juncta est Ecclesia, quoniam in Jordáne lavit Christus ejus crímina: currunt cum muneribus Magi ad regáles núptias, & ex aqua facto vino lætántur convívæ, allelúja.

Oratio.
 DEUS, qui hodierna die Unigenitum tuum Gentibus stella duce revelásti: concede propítius, ut qui jam te ex fide cognovimus usque ad contemplándam speciem tuæ celsitúdinis perducámur. Per eúndem.

ŷ. Dominus vobiscum.

R. Et cum spiritu tuo.

ŷ. Benedicamus Domino.

R. Deo gratias.

ŷ. Fidelium animæ, &c.

R. Amen. Pater noster. *secreto.*

ŷ. Dóminus det nobis suam pacem.

R. Et vitam æternam. Amen.

Añã. Alma Redemptoris mater
&c. *ut in Noct. Nativit. Dñi. sup.*

86.

LAUS DEO.

V. Dominus vobiscum.
 R. Et cum spiritu tuo.
 V. Benedicamus Domino.
 R. Deo gratias.
 V. Fidelium anime, &c.
 R. Amen. Pater noster secreto.
 V. Dominus deus nobis suam pa-
 cem.

R. Et vitam eternam. Amen.
 Añ. Alma Redemptoris mater
 &c. ut in Noct. Nativit. Dñi. sup.
 86.



LITUS DEO.

